

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَوَّلُ رِسَالَةٍ تَكُونُ لَوَكِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



WAQAF & SME: PENGGERAK SOSIOEKONOMI MALAYSIA

Siti Noor Ain Aziz, Syazwani Abd Rahim, Nurfarhana Mohd Daud

Secara tradisi, waqaf dikaitkan dengan sumbangan tanah untuk masjid atau sekolah agama. Namun, di Malaysia konsep waqaf telah berevolusi menjadi instrumen sosioekonomi moden yang menyokong pembangunan masyarakat. Dalam Bulan Wakaf Kebangsaan 2025, Perdana Menteri menegaskan bahawa wakaf perlu menjadi mekanisme jangka panjang untuk memperkukuh pendidikan, kesihatan dan ekonomi negara.

Evolusi Waqaf di Malaysia

Peralihan paradigma waqaf dapat dilihat melalui beberapa inisiatif baharu. Antaranya ialah Waqf Exchange Traded Fund (ETF) di Bursa Malaysia yang mengagihkan separuh keuntungan pelaburan kepada dana wakaf, Biasiswa Wakaf Pendidikan PTPTN (myWaqaf-PTPTN) dengan peruntukan RM30 juta untuk pelajar, serta penubuhan Permodalan Wakaf Nasional Berhad dengan modal awal RM5 juta. Inisiatif ini mencerminkan anjakan wakaf daripada amal tradisional kepada instrumen pembangunan ekonomi inklusif.

Waqaf Sebagai Instrumen Pembangunan SME

SME merupakan nadi ekonomi negara tetapi sering berdepan cabaran modal dan cagaran bank. Model wakaf moden mampu membantu melalui tiga cara utama:

1. Akses mikro modal tanpa faedah melalui qard hasan.
2. Latihan dan pembangunan kapasiti seperti kursus pemasaran digital dan kewangan.
3. Penyediaan infrastruktur bisnes termasuk pasar, ruang inkubator dan logistik.



Kajian Zainal Azim et al. (2024) serta Syahirah Mahmud dan Noordin (2024) mendapati sokongan wakaf dan inovasi kewangan seperti Cash Waqf Linked Sukuk memberi kesan positif terhadap kelestarian SME dan pembangunan selaras dengan SDGs. Ini membuktikan wakaf sebagai sumber pembiayaan alternatif yang adil dan inklusif.

Cabaran dan Masa Depan

Walaupun berpotensi besar, wakaf berdepan cabaran antaranya kurang kesedaran masyarakat, yang masih melihat wakaf terhad kepada masjid. Masalah isu tadbir urus yang memerlukan ketelusan dan kepercayaan. Integrasi teknologi, melalui fintech dan platform digital agar akses lebih luas dan mesra pengguna.

Kesimpulannya, waqaf di Malaysia sedang berubah daripada amalan tradisional kepada instrumen sosioekonomi dinamik. Dengan sokongan kerajaan, pelaksanaan inisiatif moden serta potensi waqaf dalam memperkasa SME, Malaysia mampu membentuk model pembangunan inklusif dan mapan. Wakaf kini bukan sekadar amal jariah, tetapi medium pemberdayaan ekonomi dan sosial masyarakat, seiring aspirasi pembangunan negara dan matlamat kesejahteraan global.

Rujukan

Mahmud, S., & Noordin, N. H. (2024). Constructive collaboration in ensuring the sustainability of Waqf fund in Malaysia: A case study of myWaqaf initiative. *Journal of Islamic Social Finance*, 2(2). Retrieved from <https://journals.iium.edu.my/jisf/index.php/iiibf/article/view/35>

YAB Dato' Seri Anwar Ibrahim. (2025, February 27). Ucapan sempena Bulan Wakaf Kebangsaan 2025. Putrajaya.

Zainal Azim, Z. A., Mohamed, J., & Nik Mahmood, N. H. (2024). Using Waqf in Islamic social finance to enhance SME sustainability. *Selangor Business Review*, 9(2), 96–108. Retrieved from <https://sbr.journals.unisel.edu.my/index.php/sbr/article/view/181>